

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 447703 23 St
Tuzla, 13.04.2026. godine

OPĆINSKI SUD U TUZLI, stečajni sudija Vedran Milašinović, u stečajnom postupku nad imovinom društva „HALIDOVIĆ“ d.o.o. za proizvodnju, usluge i promet Gračanica, Pribava bb, dana 13.04.2026. godine donio je sljedeće:

RJEŠENJE

U stečajnom postupku nad dužnikom „HALIDOVIĆ“ d.o.o. za proizvodnju, usluge i promet Gračanica, Pribava bb, zakazuje se izvještajno ročište (skupština povjerilaca) za dan 25.08.2026. godine u 13,00 sati, u zgradi Općinskog suda u Tuzli, ul. ZAVNOBIH-a bb, sudnica S4, prizemlje.

Na izvještajnom ročištu (skupštini povjerilaca) stečajni upravnik će iznijeti prijavu nedostatka stečajne mase, konačni izvještaj o provođenju stečajnog postupka, izvještaj o obavljenoj reviziji završnog računa i donošenje odluke o daljem provođenju stečajnog postupka.

Na ročište se pozivaju stečajni upravnik i svi povjerioci.

Ovo rješenje ima se objaviti u “Sl. Novinama F BiH”, oglasnoj tabli Suda i na web stranici suda-elektronskoj tabli suda.

Obrazloženje

U stečajnom postupku nad dužnikom „HALIDOVIĆ“ d.o.o. za proizvodnju, usluge i promet Gračanica, Pribava bb, održano je izvještajno ročište dana 03.11.2025. godine na kojem su od strane skupštine povjerilaca donesene odluke o načinu i uslovima unovčenja imovine.

Dana 31.03.2026. godine sud je zaprimio podnesak stečajnog upravnika u kojem se predlaže zakazivanje skupštine povjerilaca radi razmatranja konačnog izvještaja o provođenju stečajnog postupka i donošenje odluke o daljem provođenju stečajnog postupka. U podnesku se pored navedenog prijavljuje nedostatak stečajne mase za pokriće troškova stečajnog postupka, navode podaci o namirenjima potraživanja razlučnih povjerilaca, stečajnih povjerilaca, neizmirenim troškovima stečaja zbog nepostojanja druge imovine koja bi se mogla unovčiti, te se navode drugi podaci bitni za donošenje odluka o daljem toku postupka.

Slijedom navedenog, a temeljem odredbe člana 81 stavovi 4 Zakona o stečaju (objavljeno u Sl. novine F BiH broj 53/21), sud je donio odluku kao u dispozitivu.

Stečajni sudija

Vedran Milašinović

Pouka o pravnom lijeku:

Protiv ovog rješenja posebna žalba nije dopuštena.